



GARIS PANDUAN ANUGERAH INOVASI NEGERI SELANGOR (AINS) TAHUN 2023

1. TUJUAN GARIS PANDUAN

Garis panduan ini bertujuan untuk membantu pemohon untuk mengemukakan permohonan bagi menyertai Anugerah Inovasi Negeri Selangor (AINS). Garis panduan ini menggariskan syarat-syarat kelayakan, syarat-syarat pertandingan, kriteria-kriteria penilaian, proses pemilihan pemenang dan tata cara permohonan AINS.

2. ANUGERAH INOVASI NEGERI SELANGOR (AINS)

2.1 PENGENALAN

Anugerah Inovasi Negeri Selangor (AINS) merupakan gabungan antara Anugerah Inovasi Sektor Awam Negeri Selangor (diperkenalkan mulai tahun 2010) dan Program Cabaran My Innovation (diperkenalkan pada tahun 2015) yang bertujuan untuk memberi peluang kepada semua penduduk di Negeri Selangor yang meliputi individu/ orang perseorangan/ penjawat awam, syarikat swasta, pelajar sekolah dan pelajar Institut Pengajian Tinggi (IPT) dalam mencetus idea baru yang kreatif dan inovatif ke arah pembudayaan inovasi di Negeri Selangor.

2.2 DEFINISI INOVASI

Inovasi adalah cetus idea-idea kreatif dan inovatif yang dapat meningkatkan kualiti dan produktiviti penyampaian perkhidmatan atau penggunaan sesuatu produk. Idea-idea tersebut boleh diperolehi dari dalam dan luar atau melalui proses penyelidikan dan pembangunan (R&D) sebagai idea baru atau adaptasi untuk diguna pakai mengikut keperluan. Inovasi yang dihasilkan hendaklah berupaya menambah nilai output semasa serta membawa transformasi dan perubahan kepada amalan sedia ada. Inovasi boleh berbentuk produk, perkhidmatan, proses atau teknologi.

2.3 OBJEKTIF AINS

- i. Mengumpul maklumat produk/ hasil inovasi;
- ii. Mempromosi dan menonjolkan produk/ hasil inovasi oleh segenap lapisan masyarakat;
- iii. Memberikan pengiktirafan kepada produk/ hasil inovasi terbaik sebagai bentuk galakan kepada masyarakat di Negeri Selangor mengembangkan minat dan potensi yang berteraskan inovasi dan kreativiti; dan
- iv. Memupuk, membudaya dan menyemarakkan budaya kreatif dan inovatif dalam pekerjaan dan persekitaran masyarakat di Negeri Selangor.

2.4 KATEGORI PERTANDINGAN

Anugerah Inovasi Negeri Selangor dibahagikan kepada tujuh (7) kategori dan satu (1) anugerah khas seperti berikut : -

- i. Kategori Sektor Awam (Pihak Berkuasa Tempatan).
- ii. Kategori Sektor Awam (Pejabat Daerah dan Tanah).
- iii. Kategori Sektor Awam (Agensi Selain PBT & PDT).
- iv. Kategori Sektor Swasta.
- v. Kategori Institusi Pengajian Tinggi (IPT).
- vi. Kategori Sekolah.
- vii. Kategori Akar Umbi.
- viii. Anugerah Khas Produk Akhir Terbaik.

2.5 JADUAL PENILAIAN AWAL ANUGERAH INOVASI NEGERI SELANGOR (AINS) TAHUN 2023

Mekanisme penilaian awal bagi Anugerah Inovasi Negeri Selangor (AINS) melibatkan pengenalpastian produk/ hasil inovasi meliputi 9 (sembilan) daerah dan 12 (dua belas) Pihak Berkuasa Tempatan di seluruh Negeri Selangor. Kesemua Pihak Berkuasa Tempatan (PBT) akan bertindak selaku Penyelaras AINS di kawasan pentadbiran masing-masing. Jadual sesi turun padang dan penilaian awal bagi tahun 2023 adalah seperti berikut :-

- i. Majlis Daerah Sabak Bernam - 24 Julai 2023
- ii. Majlis Perbandaran Hulu Selangor - 25 Julai 2023
- iii. Majlis Perbandaran Klang - 26 Julai 2023
- iv. Majlis Perbandaran Kuala Langat - 27 Julai 2023
- v. Majlis Perbandaran Ampang Jaya - 02 Ogos 2023
- vi. Majlis Perbandaran Kajang - 03 Ogos 2023
- vii. Majlis Bandaraya Petaling Jaya - 07 Ogos 2023
- viii. Majlis Perbandaran Sepang - 08 Ogos 2023
- ix. Majlis Bandaraya Subang Jaya - 09 Ogos 2023
- x. Majlis Perbandaran Kuala Selangor - 10 Ogos 2023
- xi. Majlis Bandaraya Shah Alam - 14 Ogos 2023
- xii. Majlis Perbandaran Selayang - 15 Ogos 2023

2.6 SYARAT-SYARAT PENYERTAAN

Syarat-syarat penyertaan adalah seperti berikut :-

- i. Penyertaan ini terbuka kepada semua penduduk, jabatan/ agensi kerajaan, syarikat-syarikat swasta, sekolah dan Institut Pengajian Tinggi (IPT) di Negeri Selangor.
- ii. Inovasi yang dihasilkan hendaklah berusia dalam lingkungan dua (2) tahun (2021 – 2023).
- iii. Setiap peserta boleh menghantar seberapa banyak penyertaan. Namun begitu, hanya penyertaan terbaik sahaja yang akan dipilih sebagai pemenang.
- iv. Setiap penyertaan perlu menggunakan borang rasmi seperti di **LAMPIRAN A** yang boleh didapati di lokasi-lokasi berikut :-
 - a. Bahagian Korporat, Pejabat Setiausaha Kerajaan Negeri Selangor
 - b. Semua Pihak Berkuasa Tempatan (PBT) di Negeri Selangor.
 - c. Laman sesawang Pejabat Setiausaha Kerajaan Negeri Selangor di www.selangor.gov.my.
- v. Kos projek/ hasil inovasi adalah menjadi tanggungjawab setiap peserta.
- vi. Penyertaan bagi Kategori Sektor Awam atau Swasta perlu mendapat pengesahan dan kelulusan Ketua Jabatan/ Agensi yang berkenaan.
- vii. Penyertaan bagi Kategori Sekolah atau IPT perlu mendapat pengesahan daripada pihak pentadbiran sekolah atau IPT yang berkenaan.
- viii. Tiada sebarang yuran penyertaan dikenakan.

ix. Setiap penyertaan akan melalui dua (2) peringkat penilaian :-

a. **Peringkat Pertama (Penilaian Awal)**

Penilaian Awal akan dilaksanakan melalui kaedah seperti berikut :-

- i. Kesemua 12 PBT di Negeri Selangor akan bertindak selaku penyelaras di peringkat daerah masing-masing. Semua peserta perlu menyertai pameran secara fizikal di lokasi yang akan ditetapkan oleh PBT pada satu tarikh dan lokasi yang akan dimaklumkan kelak.
- ii. Semua peserta wajib menyediakan dan menghantar dokumentasi serta video penerangan/ persembahan/ demonstrasi produk kepada pihak PBT atau Urus Setia Induk di Bahagian Korporat Pejabat Setiausaha Kerajaan Negeri Selangor.

b. **Peringkat Kedua (Penilaian Akhir)**

Kaedah pelaksanaan bagi Penilaian Akhir adalah seperti berikut :-

- i. Semua produk/ hasil inovasi yang terpilih ke peringkat akhir akan dinilai berdasarkan dokumentasi dan video yang telah dihantar kepada pihak Urus Setia sebelumnya.
 - ii. Sesi soal jawab berkaitan produk/ hasil inovasi akan diadakan secara dalam talian (*video conferencing*) antara peserta dan panel penilai.
- x. Seramai **tiga (3) orang** Panel Penilai akan mengadili penyertaan peserta di peringkat awal dan akhir.

- xi. Penyertaan bagi peserta yang tidak dapat memberikan komitmen dan hadir semasa tarikh penilaian adalah dianggap terbatal secara automatik. Namun begitu, ia perlulah dimaklumkan kepada penyelarasan di peringkat PBT atau secara terus kepada pihak Urus Setia di Bahagian Korporat, Pejabat Setiausaha Kerajaan Negeri Selangor.

2.7 SYARAT-SYARAT PERTANDINGAN

Syarat-syarat pertandingan adalah seperti berikut :-

- i. Pertandingan ini terbuka kepada penyertaan bagi semua kategori produk/ hasil inovasi.
- ii. Cetusan idea bagi produk/ hasil inovasi mestilah daripada ciptaan asli peserta dan tidak meniru/ meniplak mana-mana produk/ hasil inovasi yang lain.
- iii. **Bagi Kategori Sekolah, penyertaan atau produk inovasi perlu dihasilkan oleh murid dan dikawal selia atau dibimbing oleh guru. Sekiranya produk berkenaan dihasilkan sepenuhnya oleh guru, pentadbir atau tenaga pengajar sekolah, ianya layak bertanding di dalam Kategori Sektor Awam (Agensi Selain PBT & PDT).**
- iv. Peserta perlu menyediakan dokumentasi berkaitan produk/ hasil inovasi yang dipilih yang mengandungi perkara-perkara berikut seperti di **LAMPIRAN B :-**
 - Tajuk Inovasi
 - Nama Jabatan / Agensi / Institusi

- Pengenalan
 - Latar belakang ringkas perkhidmatan
- Penerangan Hasil Inovasi
 - Ringkasan hasil inovasi
 - Tarikh inovasi dihasilkan
 - Tujuan Projek Inovasi
 - Proses pelaksanaan inovasi (nyatakan jika dibuat *in-house* atau *out-source*)
 - Proses sebelum dan selepas
 - Elemen penurunan kuasa (jika ada)
 - Kumpulan sasar dan skop liputan
 - Impak inovasi terhadap kumpulan sasar
 - Elemen Inovatif / Kreatif
 - Elemen Keberkesanan
 - Elemen Signifikan
 - Elemen Relevan
 - Pengiktirafan diterima
 - Gambar-gambar berkaitan
 - Implikasi Kewangan (jika ada)
- Penutup

- v. Di samping itu, bagi melengkapkan tata cara penyertaan peserta juga **wajib** menyediakan dan menghantar **video penerangan/ persembahan/ demonstrasi produk** dan **video pendek** dengan kriteria seperti berikut :-

1) Video Penerangan/ Persembahan/ Demonstrasi Produk :-

- a. Video hendaklah berdurasi **05 - 10 minit** dalam format .mpg, .wmv, .mp4, .mpeg atau .avi dengan kandungan yang menjelaskan ciri-ciri, fungsi dan lain-lain yang berkaitan dengan projek inovasi.
- b. Video yang dihasilkan tidak mengandungi unsur yang dianggap sensitif merangkumi penggunaan logo, gambar atau perkataan yang tidak sopan dan menyentuh sensitiviti kaum, budaya dan agama.
- c. Peserta bebas untuk menyediakan video mengikut kreativiti masing-masing. Walau bagaimanapun, pastikan video berkenaan adalah jelas dan terang dari segi suara serta input yang ingin ditonjolkan. Suara atau penceritaan projek daripada peserta diperlukan bagi memudahkan panel membuat penilaian dan memberi komen penambahbaikan.

2) Video Pendek :-

- a. Video hendaklah berdurasi 1 minit atau kurang bagi tujuan promosi di media sosial PSUK Selangor dan platform media sosial terkini seperti TikTok, Whatsapp dan lain - lain. Video pendek perlu disertakan Nama Projek Inovasi, Nama Kumpulan/ Nama Jabatan/ Nama Syarikat/ Nama Individu.

Kedua-dua video hendaklah dihantar bersekali dengan *softcopy* dokumentasi **dalam bentuk CD/ Pendrive/ medium lain yang bersesuaian** kepada PBT berdekatan atau Bahagian Korporat, Pejabat Setiausaha Kerajaan Negeri Selangor (sila rujuk senarai semak di portal rasmi SUK Selangor).

- vi. Penyertaan adalah dibuka kepada semua produk/ hasil inovasi yang dihasilkan dalam **tempoh dua (2) tahun terakhir (Mei 2021 – Mei 2023)** termasuk yang telah dikomersialkan.
- vii. Penggunaan bahan-bahan kitar semula/ terbuang sangat digalakkan.
- viii. Penggunaan sebarang perisian adalah dibenarkan tetapi ia tertakluk kepada undang-undang berkaitan perkomputeran sedia ada yang terpakai.
- ix. Keputusan Panel Penilai/ Juri adalah muktamad dan sebarang bantahan adalah tidak dibenarkan.

2.8 PROSES PENILAIAN

Proses penilaian bagi Anugerah Inovasi Negeri Selangor (AINS) adalah seperti berikut :-

1. Peringkat Pertama (Penilaian Awal) : Penilaian Secara Fizikal

- i) Semua peserta wajib menyertai pameran di lokasi yang akan ditetapkan. Panel penilai akan membuat penilaian awal di lokasi tersebut. Produk yang layak ke peringkat akhir akan dimaklumkan oleh PBT.
- ii) Setiap peserta awal diwajibkan membuat persembahan/ demonstrasi produk kepada Panel Penilai dan bersedia menjawab semua pertanyaan dan soalan yang dikemukakan dan memberikan sebarang maklum balas yang diperlukan. Setiap peserta akan diberikan masa selama **10 minit** untuk melaksanakan sesi persembahan/ demonstrasi produk.

2. Peringkat Kedua (Penilaian Akhir) : Sesi Soal Jawab Dalam Talian

Semua penyertaan akan dinilai melalui dokumentasi dan video penerangan/ persembahan/ demonstrasi produk. Penilaian berdasarkan kepada skema pemarkahan yang telah disediakan




Sesi soal jawab juga akan dilaksanakan secara dalam talian (*video conferencing*) antara peserta dan panel penilai.

2.9 KRITERIA PENILAIAN

Penilaian dan pemarkahan pertandingan akan mengambil kira komponen seperti berikut :-

BIL	KRITERIA PEMARKAHAN	MARKAH (%)
1.	Idea	25
2.	Produk	30
3.	Faedah / Impak	40
4.	Persembahan	5
	MARKAH KESELURUHAN	100

Markah keseluruhan ditentukan dengan menjumlahkan markah semua komponen mengikut wajaran yang ditetapkan. Taraf pencapaian bagi projek secara keseluruhan ditafsirkan melalui pencapaian bintang seperti berikut :-

ANUGERAH	MARKAH (%)
	90 – 100
	70 – 89
	50 – 69

2.10 BENTUK ANUGERAH/ PENGHARGAAN

Hadiah dan ganjaran akan diberikan kepada penyertaan yang mendapat tiga markah tertinggi bagi setiap kategori yang dipertandingkan.

Hadiah dan ganjaran bagi semua kategori adalah seperti berikut :-

BIL.	KEDUDUKAN	HADIAH
1.	Johan	RM5,000.00, Piala & Sijil Penghargaan
2.	Naib Johan 1 Naib Johan 2	RM2,500.00 & Sijil Penghargaan
3.	Saguhati	Sijil Penghargaan

Hadiah dan ganjaran bagi Anugerah Khas Produk Akhir Terbaik adalah seperti berikut :-

BIL.	ANUGERAH	HADIAH
1.	Produk Akhir Terbaik	RM 3,000.00, Piala & Sijil Penghargaan

2.11 TATA CARA PERMOHONAN

Setiap permohonan mestilah mematuhi tata cara permohonan seperti berikut :-

- i. Setiap penyertaan perlu menggunakan borang rasmi yang disediakan.
- ii. Setiap penyertaan hendaklah dikemukakan sebelum atau pada **31 MEI 2023 (Rabu)** melalui salah satu jabatan/ agensi berikut :-

- a. Pihak Berkuasa Tempatan
 - b. Bahagian Korporat, Pejabat SUK Selangor
- iii. Penyertaan mestilah mempunyai perkara-perkara berikut :-
- a. Borang Rasmi Penyertaan (Lampiran A)
 - b. Dokumen/ Buku Laporan Produk/ Hasil Inovasi (Lampiran B)
 - c. Senarai Semak Permohonan AINS 2023
 - d. *Softcopy* dokumen dan video penerangan/ persembahan/ demonstrasi produk & video pendek **(dalam bentuk CD/ Pendrive/ medium lain yang bersesuaian).**
- iv. Pihak Urus Setia berhak menolak mana-mana penyertaan yang tidak mematuhi syarat-syarat penyertaan dan pertandingan.
- v. **Pihak Urus Setia berhak mengubah kategori penyertaan mengikut kelayakan dan kesesuaian peserta. Peserta akan dimaklumkan mengenai perubahan kategori berkenaan.**
- vi. Sebarang pertanyaan mengenai Anugerah Inovasi Negeri Selangor (AINS) 2023 boleh menghubungi pihak Urus Setia seperti berikut :-

Seksyen Pembudayaan Inovasi
Bahagian Korporat
Pejabat Setiausaha Kerajaan Negeri Selangor
Tingkat Bawah, Bangunan SSAAS
40503 Shah Alam.
No. Telefon : 03-55447053
E-mel : i. syamsul.khoir@selangor.gov.my
ii. fakhri@selangor.gov.my
iii. norshaeza@selangor.gov.my